

Pitako Sokome Korete Qu Nakayáñoní Iñondutu Unipareko Ñuno Uró

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pita,” yaró. (*1 Pita 1:1* weyo qembe.) **Anutu koro huru-huru** koro tapá uni komo qundo soso ñande yañgurí, ko uni nakayáñaró ñuko **asáñowí uni** Pita nañge, Yesu koya uyareyariyó.

Enendo nakayáñoro riní Anutu koro unipare kumi Esia mira parámimo ñuno uró. Koretero Polko unipare ñu **miti mande** yesoworo yimitoyaró. Asa ko itaka iño-iño uni kumimbo ñande ye iñoyoteño, naru kano **Rom** koro wiri yerete uni parámi ka iñondutu unipare o piyimi te yunañgurí quño ñuno, **Rom** yendémo ñuno Pol uri khumaró. Khumoní Pita ñuya **Rom** ñuno yora. Enendo Pol koro topé-topé rukiso yerewero quro sokome ña nakayáñaró. Dokoro o piyimi ñu eneno ñuya tunoqeweya, peka. Sokome koro weña ñuno ñande nakayáñaró, “Bapilon ñuno yoteño qundo ye yuñguna yereyoteño.” (*1 Pita 5:13* weyo qembe.) Ko owé ñu, “Bapilon” ñuko **tapara mande** ka peka, murí muko “**Rom**” nañge.

Nore ñande ye iñoyoteto, ko Polko kumima naru 64AD ñuno khumaró. (Asa “64AD” murí muko ñandiro, ko Yesu nimí pisiyaró, yate kumima naru 64 ñunde rotaró. Nore kumima naru 2,000 ñunde rotoro yate itaka yoteto.) Asa ko Pitako ñu naruko ñuno nañge sokome ña nakayáñaró, peka.

1 ¹No Pita, noko Yesu Kristo^a koro asáñowí uni.^b Nondo ye Anutuko unipare rokó yereró qu yuto nokono yotoro wimbo-wimbo Pontus mirako yoteño quya Galesia mirako yoteño quya

^a **1:1** “Yesu Kristo” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañgurí. Juda unipareto uni maheweya ñu, “Kristo,” ma, “*Mesaiya*,” ye nekañgurí. Asa Yesu mahiní eneño unipareyó, “Kristo Yesu,” ma, “Yesu Kristo,” nañge ye nekañgurí. ^b **1:1** “*asáñowí uni*” ñuko Yesuko rokóñoro asáñoní eneño khayó taró.

Kapatosia mirako yoteŋgo quya Esia mirako yoteŋgo quya Bitinia mirako yoteŋgo qu, asa yeno sokome ŋa nakayaŋoteno. ²Komo suki Anutu Awando yeŋo iŋo yunoní Yuqa Surumí ŋundo yoriní Anutu koro unipare horé tunoqaŋgurí. Ijunde ti Yesu Kristo koro sitúŋombo ye sono yiriní Anutu toŋímo sara taŋgurí, ko mandí iŋoro meté howeyowaŋgo. Asa meté Anutuko samaka-samaka tuwó parámi yunoweya, ko newondeye riní ime horé yoweya.

Imemoŋgo nore o meté horé rewato

³Asa Anutu, Uni Paráminani Yesu Kristo^c koro iwímboro owí hokato. Enendo noreŋo sikínani parámi tero Yesu Kristo okokowoní uni tapu koŋgo pitu ko otoqaró. Ijunde tero nore noriní yoto-yoto keta qu ratowó. Ratowó ŋuro nore hamó ŋande iŋoteto, asa imemoŋgo o meté horé rewato. ⁴O meté ŋu hamó horé rewato. Ijuko kama piyo teweya, kama puqeweya, kama kini teweya. Anutuko o meté ŋu komo roŋgaruwaró, ko yendo samboko eneya yotoro o ŋu rewaŋgo. ⁵Ye iŋondutu tiqo, Anutuko wimbímo kondé ye sopo yiriní yoteŋgo. Ijunde tero imemoŋgo, naru weŋa horé quno^d enendo rambaruru koŋgo nore noreweya. ⁶Ijuro niŋgu-niŋgu ti. Hamó, itaka naŋge towo kate-kate mahero rambaruru yereyote. ⁷Ijunde tero Anutuko yeŋo iŋondutuye towonoyote. Qeni, uni kato gol ŋu se kewáko qayi o piyimi quroko qu toŋiní sara-sara naŋge tunoqeyote.^e Gol ŋuko o meté qu ka, kimoyó parámi. Quko iŋondutuye muko meté horé, gol takate. Dokoro imemoŋgo gol piyo teweya. Ijunde ŋuro towo kate-kate yeno tunoqiníqo, iŋondutuye muko sara-sara teweya. Ko Yesu Kristo tunomo tunoqeweya quno ŋuno Anutuko yeŋo hamó niŋgu-niŋgu tero owé parámi yunoweya. ⁸Yendo Yesu Kristo kama qeneŋgurí, quko newonde meté inoyoteŋgo. Itaka ŋuya kama qeneyoteŋgo, quko iŋondutuworo niŋgu-niŋgu parámi horé teyoteŋgo. ⁹Ye Kristo iŋondutuwoyaŋgurí quro eŋgé ŋuko ŋandiro, ko Anutuko yeŋo yoto-yotoye riní meté teyote.

¹⁰Komo suki ye-ye unindo Anutuko samaka-samaka tuwó^f ye yunoweya ŋuro mande yesowaŋgurí. Uni ŋundo koweyumu tero Anutuko

^c 1:3 “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “*Mesaiya*,” ye nekaŋgurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” naŋge ye nekaŋgurí. ^d 1:5 “*naru weŋa*” ŋuko naru *Kristoko* pitu ko mahero unipare soso ronda yerero Anutuko o soso hamó wiriyoweya. (1 Tesalonaika 2:19; 5:23 koya 1 Korin 15:24-28 weyo qembe.) ^e 1:7 “gol” ŋuko o aini ka, kandawó tindenjiwí mu ko kimoyó parámi. Naru kano o pi-piyimi quroko ŋuno yote. Asa ko unindo gol ŋu qayi sono qembe tiní o pi-piyimi ka saŋano ariní siyoro raŋoyoteŋgo. Ijunde ti gol ŋuko kekere piyimi. ^f 1:10 “*samaka-samaka tuwó*” ŋuko Anutu eneŋombo nore samaka yereyote. Kimoyó moré kini.

yeŋo yoto-yotoye riní meté teweya ŋuro murí seqaŋgurí. ¹¹ Kristo koro Yuqayó ŋundo ye-ye uni^g quroko yotoro ŋande yimiraró, ko imemoŋgo Kristoko kowe surumí kate-kate reweya, ko tukú owé parámi reweya. Ŋunde yimironí ŋande oseseyaŋgurí, “Ŋu date tunoqeweya?” ko “Do naruko ŋuno tunoqeweya?” yaŋgurí. ¹² Yiŋo, Anutuko ŋande yimiraró, “Ŋo-ŋo ye yunanowó ŋu, ŋuko yeŋo qu kini,” yaró. Asa itaka naŋge Anutuko Yuqa Surumí^h riní sambo koŋgo umburo uni ka wimbu inoní miti mande meté ŋu ye yimironí ye o tunoqeweya ŋu iŋaŋgurí. Sambo simómbóⁱ ŋuya mande ŋuro iŋowero ye iŋoyotengó.

Ye meté horé yuri qembe

¹³ Ŋunde ŋuroko naru rokóŋo iŋo-iŋoye roneneŋoya khe u-uye roŋgaruwoya ŋande iŋoyi qembe, ko Yesu Kristo^j tunoqeweya quno ŋuno Anutuko samaka-samaka tuwó^k ye yunoro yoriní ye meté horé yorowango. ¹⁴ Komoko ye iŋo-iŋoye moré kini yoraŋgo, ko murí kate-kate piyimi ŋu howeyaŋgurí. Quko itaka ye simó meté mu ŋunde qembe tero murí ŋu kaŋuya ma howewero. Kini. ¹⁵ Anutuko meté horé yote, ko enendo ye neko yereró. Ŋunde ŋuro yeŋombo otete meté horé ŋu naŋge ti qembe. ¹⁶ Dokoro sokomeko ŋuno ŋande nakayáŋaró, “Ye meté horé yuri qembe, do karo, nondo meté horé yoteno.”^l

¹⁷ Yendo Anutu Awa owí nekoyotengó, ko Awa ŋundo unipare soso koro muriye qenero okeyá ta ronda yereyote. Ŋunde ŋuro ŋande iŋoyi qembe, noko ŋano yoroteto ŋako noreŋo mira horé mu kini. Anutu kasiramo horé yotoya khe u-uye meté sopoyuri qembe. ¹⁸ Komo yendo usisambayembo murí piyimi towo yoraŋgurí ŋu naŋge howeyaŋgo. Quko murí ŋundo ye samaka yerewero mepémo kini. Asa ye ŋande iŋoyotengó, ko Anutuko ye kimo yerero^m murí piyimi ŋu noŋgo yoraró. Kimoye muko silwa, golⁿ ŋunde qembe kini. O irisa ŋuko imemoŋgo piyo teweya. ¹⁹ Kini, kimoye muko Kristo koro sitú qu. Kristo ŋuko sipsip simó Anutu inowero qu qembe, sipsip simó ŋuko o piyimiŋo moré kini qu. ²⁰ Komo suki, asa Anutuko noko kama towaró quno ŋuno enendo Kristo rokóŋaró.

^g **1:11** “ye-ye uni” ŋuko Anutuko mandí yunoní unipare yunaŋgurí. ^h **1:12** “Yuqa Surumí” ŋuko Anutu koro Yuqa naŋge. ⁱ **1:12** “sambo simó” ŋuko komo suki-suki Anutuko unipare kama yoriní tunoqi sambo simó yondowaró. Ko itaka enejo sunará teyotengó.

^j **1:13** “Yesu Kristo” - komo suki ye-ye unindo Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “Mesaiya,” ye nekaŋgurí. Asa Yesu mahiní enejo unipareyó, “Kristo Yesu,” ma, “Yesu Kristo,” naŋge ye nekaŋgurí. ^k **1:13** “samaka-samaka tuwó” ŋuko Anutu enejombo nore samaka yereyote. Kimoyó moré kini. ^l **1:16** O Qa-qa Uni 11:44-45; 19:2; 20:7

^m **1:18** “kimo yerero” ŋuro murí muko ŋandiro: unipareto o piyimi kusuyoyómo kusiyowí yotengó. Ŋundiro naŋge Anutuko kimo tero yoriní kina yowango. ⁿ **1:18** “silwa, gol” ŋuko mone ka, komo unindo wondo musiyó silwapo, golpo towangoŋgurí.

Quko itaka, naru wenjako njano ye samaka yerewero quro riní tunomo tunoqa. ²¹Yendo Kristowore Anutu ijondutuwoyotengo, dokoro Anutuko okokowoní uni tapu konjo otoqoní owé parámi inaró. Njunde njuro ye Anutu ijondutuworo o meté mu yunoweya njuro sopoyotengo.

²²Anutu koro mande hamó mu howeyuriqota newondeye sara-sara taró. Njunde tero ye newonde irisa kama tero topo-topoye njuro hamó ijoyotengo. Asa ko newondeye meté horé epe ino-ino ti qembe. ²³Dokoro Anutu koro mande njuko náye qembe tero pisi yiriní keta tunoqanjurí. Ko mande njuko kama piyo teweya. Kini, yoto-yotoyó moré, ko naru suki-suki yoweya. ²⁴Qeni,

“Unipare soso komó njunde qembe,
ko o meté-metéye mu rukuni njunde qembe.

Imemonjo komó asáqeweya ko rukuni umburo kini teweya.

²⁵ Quko Uni Parámimboro mande njuko suki-suki yoweya.”

2 Asa mande njuro nanje uni kato yesowo yimironí ijanjurí.

¹Njunde njuroko uni newonde piyimi yunowero murí, ko uni kaná yerewero murí, ko mangoye irisawore yewero murí, ko topoyemboro o meté quro piyimiñowero murí, ko huwó mande yewero murí, njuro soso rotoyi qembe. ²Simó kunjgu qembe tero yuqayemboro susu kekere quro ijoyuri qembe. Njunde tero susu njuro nero wotiqo, imemonjo Anutuko ye rambaruru konjo yoreweya. ³Susu njuro newango, dokoro ye komo Uni Parámi towonjoro njande ijotengo, eneko nunjurí piyimi.

Uni Parámi njuko wondo ka yoto-yotoyó moré njunde qembe

⁴Uni Parámi njuko wondo yoto-yotoyó moré njunde qembe tete.

Unindo, piyimi, yero ijoro re rotanjurí. Quko Anutuko ene rokónjoro hamó ijoyara. Eneno maheroqota ⁵ye njuya wondo yoto-yotoye moré njunde qembe tetengo, ko Anutuko yorero sowe-sowe tiní Yuqayómboro ya qu tunoqeyotengo. Njunde tunoqero ye Anutu koro o qa-qa uni meté horé njunde tunoqero Yesu Kristo^p owímo newondeye monjo Anutuko o karo hamó metéñoyote qu te inowanjo. ⁶Dokoro sokomeko njuno njande nakayánjaró,

“Qeni, nondo wondo ka Saion njuno rotowe teteno,
wondo rokónjanowó njuko ya soso riní kondéreyote, njuro hamó
ijoyoteno.

^p 2:5 “Yesu Kristo ” - komo suki ye-ye unindo Anutuko uni ka rokónjoni mahero wiri yerete uni parámi horé tunoqeweya qu karo yanjurí. Juda unipareto uni maheweya njuro, “Kristo,” ma, “*Mesaiya*,” ye nekanjurí. Asa Yesu mahini enejo unipareyó, “Kristo Yesu,” ma, “Yesu Kristo,” nange ye nekanjurí.

Kowe unindo ijondutuwowanjo tiníqo,
kowi piyo kama tewanjo.”

⁷Ijunde njuroko ye ijondutu unipare, yendo wondo njuro hamó
ijoyotengo. Quko uni ijondutu kama teyotengo quro,

“Ya re-re unindo, wondo piyimi, yero ijoro re rotangurí njundoko
ya soso riní kondéreyote.”

⁸Ko,

“Wondo njuno kheye sanjawoní piyo tewanjo,
ko mipu njundo kheye kusiyoní umbu ranowanjo.”

Uni njundo Anutu koro mande qu kama howeyotengo, njunde njuro
wondoko njuno kheye sanjawoní umbu ranowanjo. Anutuko, ene otete
nu tewanjo, yero rokó yereró.

Anutuko nore rokó nereró

⁹Quko yeko unipare Anutuko rokó yereró nu, wiri yerete unindoro o
qa-qa uni njunde qu, unipare meté horé mu,⁹ Anutu koro unipareyó hamó
nu. Ijunde tero enendo huriri moŋgo ye neko yerero yowosoní eneŋo hiyó
metémo mahengurí njuro seré te inoyi qembe. ¹⁰Komoko yeko wini qu ka
kini, quko itakako Anutu koro unipareyó yotengo. Komoko sikíye kama te
yunaró, quko itakako sikíye te yuna.

¹¹Uni topo hamó, noko njako yeŋo qu kini, yuto nokoye nanje.
Ijunde njuro nondo njande yimiroteno, koweye sanjanímbo ronjgurí nu
huwóŋoyi qembe, dokoro murí njundoko yuqananimboya kuma teyote.
¹²Ye kape unipare^r keweroyemo khe meté nanje howeyuri qembe.
Hamó, enendo mande kho yunowanjo, quko enendo yeŋo muriye meté
nu qenewanjo. Ijunde tero enendo Anutu noreno maheweya quno njuno
eneŋo owí hokowanjo.

Ye wiri yerete unindoro kasirayemo yuri qembe

¹³Asa noko koro wiri yerete uni kato mande yiqo, Uni Parámi ijoro
kasirayemo yuri qembe. Wiri yerete uni parámimbo mandí howi
qembe, ¹⁴ko wiri yerete uni tomó-tomó njuya howi qembe. Wiri yerete
uni parámimbo tomó-tomó nu asá yiriní uni piyimi teyotengo nu ronjaru
yerero uni otete meté teyotengo njuro owéye hokoyotengo. ¹⁵Anutuko
njaro ijote, ko yendo murí meté mu teyotengo quwore uni kape-kape
njuro manjogoye kusiyowanjo. ¹⁶Hamó, oka kato ye kama kusi yerete, kina

⁹ 2:9 “unipare meté horé ” njuko oteteye soso muko meté nanje kini. Kini, owé nu “unipare
meté horé” njuro murí muko njandiro, “Anutu koro unipare” nanje. ^r 2:12 “kape unipare ”
njuko Israel koro Anutuye nu kama injo howeyotengo.

yotenggo. Quko n̄ande ma iñowero, “Nore itaka kina yoteto,” yero uyaro murí piyimi kate-kate tewanggo koro. Kini, ye Anutu koro kho simónjo n̄unde qembe tero khe u-uye howi qembe. ¹⁷Ye ará uni soso te yunoyi qembe, newonde meté iñondutu topoye yunoyuri qembe, Anutu n̄uro soreya kusunoyómo yuri qembe, ará wiri yerete uni te inoyi qembe.

Ye Kristoko taró n̄unde qembe kowe

surumí korowoyi qembe

¹⁸Ye kho simó,^s ye ará sopo-sopo uniye te yunoro kasiramo yuri qembe. Sopo-sopo n̄undo o meté te yunoyotenggope ma o piyimi te yunoyotenggo, enina, mandeye howeyuri qembe. ¹⁹Dokoro uni kato Anutu iñoro otete meté howete, quko unindo o piyimi te inoyi kowe surumí korowoyote tiníqo, enendo owé meté mu reweya. ²⁰Qeni, ye o piyimi ka tiqo sopo-sopoyembo yurowanggo tiníqo, ye date owé meté mu rewanggo? Quko ye murí meté ka tero kowe surumí rero kondé korowoyotenggo tiníqo, Anutuko n̄u murí n̄uro iñote. ²¹Hamó, Anutuko ye murí n̄unde qu howewero quro komo neko yereró, dokoro Kristoko^t n̄uya ye samaka yerewero quro kowe surumí korowaró. N̄unde tero khí mepémo qenero howewanggo. Khí mepémo n̄andiro,

²²“Enendo quhurí ka kama taró,
ko mande kota ka kama yaró.”

²³Quko unindo huwó mande yiyo topé ka kama taró; kowe surumí n̄u koroworo mande piyimi kama yaró. Kini, enenombo eneño rero ronda-ronda uni roneneñowímboro kandímo raró. ²⁴Riní tipiririko^u porowoyiqo, enendo noreño quhurínani eneño kowímo korowaró. N̄unde korowoní norendo meté otete piyimi teyoteto n̄uro khumoro yoto-yoto keta qu rero otete roneneñowí^v n̄uro yowato. Eneño mamayó piyimi n̄undoko ye yoriní meté yotenggo. ²⁵Dokoro yeko sipsip wimbo-wimbo yateyanggo n̄unde qembe tan̄gurí. Quko itakako rohoréñoro sopo-sopoyemo mahero yotenggo, ko sopo-sopoko yuqaye sopoyote.

Parí, kamí n̄uro yete

3 ¹N̄undiro nan̄ge, ye pare kameye moré qu, kameye kusunoyemo yuri qembe. N̄unde tiqo, kameye kumimbo Anutu koro mande n̄u

^s **2:18** “kho simó” - n̄u naruko n̄uno unipare qambu kho simó, kho pare tunoqangurí. Naru kano wini irisa kuma tero kako taka yerero kusi yiriní kho simó tunoqangurí. Naru kano uni kato utatá parámi tero topé tewero mepémo kini, eneño soweyoro kho simó tunoqangurí. Asa kho simó n̄unde quko uni parámiyómboro kho qu teyara, enenomboro o ka tewero mepémo kini. ^t **2:21** “Kristo” n̄uko Yesu nan̄ge, asa Anutuko rokóñoní mahero wiri yerete uni parámi horé tunoqaró n̄u. ^u **2:24** “tipiriri” n̄unde quko wiri yerete uni kumimbo eneño uni san̄giríye yorero n̄uno uroyi khumoyangurí. ^v **2:24** “otete roneneñowí” n̄uko Anutuko nore rokó yiriní noreño murínani eneño murí howeyote.

kama howeyotenggo tiníqo, ye eneya mande ka kama ti yeño murí meté ñu qenero newonde rohoré tewanggo. ²Dokoro ñande qene inowanggo, yendo Anutu koro sasaro tero otete sara-sara qu nanqe teyotenggo. ³Yeño o kekere qu koweye sajaníwore ma ri tunoqewero, asa huye enesó-enesó kusiyoyotenggope ma núsawa gol qu” teyotenggope ma tuwi meté-meté mu punuwoyotenggo. ⁴Kini, yeño o kekere qu quroyemo yoní. O kekere ñuko ñandiro, ye mondó ta yotoro otete imemo tero yorotenggo. Murí ñuko kama piyo teweya, ko Anutu tonímo ñuko murí meté horé. ⁵Dokoro komo quño pare meté horé ñundo Anutuko o meté yunoweya ñuro soporo otete meté qu nanqe tero kameye kasiramo yoranggo. Oteteye meté ñuko eneño nakayá kekere qu ñunde qembe. ⁶Ñundiro nanqe Sarako Abraham^x kasiramo yotoro, neneño uni parámine, ye nekaró. Ye ñuya o meté tero oka karo kama sorewanggo tiníqo, Sara koro nambo-simó tunoqetenggo.

⁷Ñundiro nanqe ye uni pareye moré qu, pareye ino inoya eneya meté kunditeyuri qembe. Eneño koweye ñuko kondé kini, ñunde ñuro murí meté te yunoyuri qembe. Anutuko pareye ñuya yoto-yoto suki-suki tuwó yunaró. Ñunde ñuroko ará te yunoyi qembe, oka kato hariyire kusiyoweya koro.

Ye o meté nanqe unipare te yunoyi qembe

⁸Asa mandene weña qu ñandiro, ye soso newonde kanata teyuri qembe. Topoyembo quhuriye korowoya, newonde meté yunoya, sikíye te yunoya, yeño owéye rika umbuní. ⁹Ko uni kato murí piyimi ka te yuníqo, topé ma tewero. Ko mande piyimi ye yimiroyiqo, mande piyimi topé ma yimirowero. Kini, puriño yunoyi qembe. Dokoro Anutuko ye murí ñunde qu howewero quro neko yereró, ko ye ñunde teroqo eneño puriñojó ñu rewanggo. ¹⁰Dokoro

- “uni kato, yoto-yoto meté rewanó, ye inoro,
 naru meté qenewano, ye inoyote tiníqo,
 asa ene mipímbo mande piyimi ma yewero
 ko kumunzómbó kota mande ma yewero,
¹¹ murí piyimi ñu soso huwóñoro,
 otete meté qu nanqe howero,
 unipare newonde kanata tewanggo ñuro inoro
 koweyumu tero murí ñu riní tunoqeweya.
¹² Dokoro, Uni Parámimbo unipare roneneñowí ñu sopo yereyote,
 ko eneño hariyembo kusumbo reyote.

^w 3:3 “núsawa gol qu” ñuko o nakayá ka wondo tindenjiwímbo towangurí qu, kimoyó parámi horé ko unipareto qene nunguwoyotenggo. ^x 3:6 “Abraham” ñuko Juda uniparetoro pukoye, ko Sara ñuko eneño parí.

Quko unipare otete piyimi teyotengo nuro piyimiŋoyote.”

¹³Ko ye murí meté howewero khe qu kondé seqayuriqo, dani kato o piyimi te yunoweya? ¹⁴Ŋunde quko yendo otete roneneŋowí howiqo, o piyimi te yunoyi kowe surumí korowowaŋgo tiníqo, puriŋo ka retengo. “Okato uni riní sasaro teyotengo nuro ma sorewero; sasaro ma tewero.”^z ¹⁵Kini, newondeyemoko, Kristo^a nuko Uni Parámi, kondé iŋo inoyuri qembe. Ye imemoŋgo o meté qu rewaŋgo nuro sopoyotengo. Asa naru rokóŋoro uni kato, ye do murí karo o nuro sopoyotengo, nunde osese yerewaŋgo quno nuno mande topé meté mu yi qembe. ¹⁶Quko mondó ta yero ará te yunoyi qembe. Ŋunde tiqo, unindo ye Kristowore otete meté howeyotengo nuro huwó yereyotengo nundo kowi piyo tewaŋgo. ¹⁷Hamó, Anutuko rotoní yendo otete meté mu ti o piyimi te yunowaŋgo tiníqo, nuko meté. Niŋgu-niŋgu ti. Quko yendo otete piyimi ti o piyimi te yunowaŋgo tiníqo, nuko piyimi, nuro kowi piyo ti. ¹⁸Dokoro Kristo nuko uni roneneŋowí qu ka, quko enendo unipare roneneŋowí kini quro mepéye rero quhuríye soso wendaŋewero khumaró. Ŋunde tero ye yoriní Anutu taŋgímo mahenŋurí. Ŋu naruko nuno kowí saŋani uri khumaró, quko Yuqayó yoto-yoto keta qu raró. ¹⁹Ko enendo yuqayówore uyaro yuqa meyowo kusi-kusi yano yotengo qu mande yesowo yimiraró.

²⁰Asa Noa naruko nuno yuqa nuko Anutu koro maŋgó wendaqanŋurí. Ŋu naruko nuno, Anutuko murí piyimi nuro topé waka kama taró. Kini, ene Noa sopoyoní waŋgoyó towoní kini tiníqota wini tomó ta nundo, asa unipare kande saŋiyoro kapusa nundiŋo, waŋgo quroko oyi sono riru parámi nū mahiní Anutuko rambaruru koŋgo yoraró. ²¹Sono nuko o kato rambaruru koŋgo noreweya nuro rokóŋo, nuko sono re-re nū naŋge. Sono reteto nuko pusú kowenanimo nū sonowowero qu kini. Kini, sono reteto nuro murí muko nandiŋo, nunde tero nore iŋo-iŋo metéwore noreŋo Anutu inoyoteto, dokoro Anutuko Yesu Kristo okokowoní uni tapu koŋgo pitu ko otoqaró. ²²Itakako Kristo samboko oro Anutu kandí kondémo yote. Ko sambo simómboya yuqa wimbí moré muya o soso wimbuye kondé, nū soso kusuŋoyómo yotengo.

Anutu koro iŋo-iŋoyó naŋge howeyuri qembe

4 ¹Asa Kristoko^b kowímo kowe surumí korowaró. Ŋunde nuroko ye wimbu reya iŋo-iŋoyó nū naŋge towoyi qembe. Dokoro uni kato kowímo kowe surumí korowaró tiníqo, asa enendo quhurímboro murí nū rota. ²Asa ko toŋí yoníqo unindoro iŋo-iŋoye nū kama howeweya. Kini, Anutu koro iŋo-iŋoyó naŋge howeyoweya. ³Dokoro komo yeko kape

^z 3:14 Aisaia 8:12 ^a 3:15 “Kristo ” nuko Yesu naŋge, asa Anutuko rokóŋoní mahero wiri yerete uni parámi horé tunoqaró nū. ^b 4:1 “Kristo ” nuko Yesu naŋge, asa Anutuko rokóŋoní mahero wiri yerete uni parámi horé tunoqaró nū.

uniparetoro^c muriye piyimi ŋuwore yate yaŋgurí. Murí ŋuko ŋandiro: se simbururu teyotenggo, o kate-kate qene nuŋguwoyotenggo, wain nero kape-kape teyotenggo, hoho piyimi tero yambo quuno piyimi teyotenggo, Anutu koro hutuŋo mande qu pitoro anutu kota-kota potorku te yunoyotenggo. ⁴Itakako ye murí ŋunde qu kama teyotenggo. Asa ko kape unipare ŋundo genero iŋondata tero yeya mande piyimi qambu yeyotenggo. ⁵Quko imemonggo eneŋombo nanŋe ronda-ronda uni parámi tonjimo kaŋero murí date teyaŋgurí ŋuro piŋa mande mirowaŋgo. Ronda-ronda uni ŋundo uni toŋeye yote qu ŋuya khumaŋgurí qu ŋuya ronda yereweya. ⁶Ŋu murí ŋuro tero unipare khumaŋgurí ŋundo toŋeye yoniŋo miti mande ŋu iŋaŋgurí. Ŋunde tero uni ŋunde qu koweye khumaŋgurí, quko Anutu yorote ŋunde qembe yuqayemo yotenggo.

⁷O soso kini teweya ŋuro naruyó ŋuko tukuni tete. Ŋunde ŋuro ye kondé iŋoya yeŋombo koweye sopoya hariri meté tiyuri qembe. ⁸Ye newonde meté epe ino-ino tewero ŋuro murí kondé towoyi qembe. Dokoro, murí ŋunde qundo topoyembo quhuríye qambu wendaŋeyote. ⁹Ko Anutu koro unipare meyowo mahe yeya yuriŋo, asa meté ta sopo yiri qembe. Ŋuro kisikasa ma tewero. ¹⁰Ye kanata-kanata Anutu koŋgo puriŋo enesó-enesó raŋgurí ŋu meté sopoya ŋuwore epe samaka-samaka ti qembe. ¹¹Ŋunde nanŋe uni kato mande ka yesowowaŋgo quno ŋuno, asa Anutu koro iŋo-iŋoyó reya yesowoyi qembe. Ko uni kato uni meyowo samaka yereyowaŋgo quno ŋuno, asa Anutu koŋgo wimbu rero kho ŋu ti qembe. Ŋunde ti unindo ye o soso teyotenggo ŋu genero Yesu Kristowore Anutu owí hokowaŋgo. Asa Anutuko naru suki-suki owé parámi, wimbí parámi tete. Ŋu hamó.

Kristo koro owímo kowe surumí korowowaŋgo ŋuko meté

¹²Uni topo hamó, quhurí parámi ka kewámbo yoqayote ŋunde qembe yeno tunoqeyote. Tunoqeyote ŋuko o enesó horé kini, ŋuro iŋondata parámi ma tewero. ¹³Ye Kristo^d quhurí korowaró ŋunde qembe quhurí korowoyotenggo ŋuro niŋgu-niŋgu ti. Ŋunde teyuriŋo, ene sine parámiyómo tunomo tunoqeweya quno, yendo niŋgu-niŋgu parámi tero newonde meté hamó tewaŋgo. ¹⁴Asa unipareto ye Kristo koro owí towoyotenggo ŋuro iŋoro huwó mande yeya yimirotenŋo tiniŋo, puriŋo ka retenŋo. Dokoro Anutu koro Yuqa meté horé ŋu ye saŋayemo yorote. ¹⁵Hamó, uni kumimbo quhurí koroworo topé piyimi reyotenggo. Quko enendo uni yutoyotenggope ma momo teyotenggope ma otete ŋunde qu teyotenggope ma kinanŋe uni roŋgaru yerero topé piyimi reyotenggo. Yendoko murí ŋunde quro quhurí korowoyotenggo tiniŋo, ŋu piyimi.

^c 4:3 “kape unipare ” ŋuko Israel koro Anutuye ŋu kama iŋo howeyotenggo. ^d 4:13 “Kristo ” ŋuko Yesu nanŋe, asa Anutuko rokónoni mahero wiri yerete uni parámi horé tunoqaró ŋu.

¹⁶Quko yeko Kristen uni^e tero quhurí ka korowoyotengo tiníqo, kowi piyo ma tewero. Kini. Kristo koro owí towoyotengo njuro Anutu seré te inoyi qembe. ¹⁷Dokoro Anutuko unipare soso ronda yerewero tete, quko koretero enejo wini qu ronda yereweya. Asa ko ye date ijotengo, noreno hurí tiníqo, unipare Anutu koro miti mande^f qu wendaqeyotengo njundo do kimo ka rewanjo?

¹⁸“Ko unipare ronenejowí njundo rambaruru njun takawero wamba rukusuwowanjo tiníqo, unipare Anutu huwóhoro quhurí teyotengo njundo date takawanjo?”

¹⁹Njunde njuro yendo Anutu koro ijo-ijoyó howero kowe surumí korowowanjo tiníqo, yoto-yotoye rero Anutu kandímo reya murí meté mu nanje ti qembe. Dokoro Anutuko nore nondowaró, ko enendo meté horé ta sopo yereyote.

Uni kembémboya, simó keta koya yaró

5 ¹Njunde njuro nondo ye uni huru-huru koro tapá uni yotengo quya mande ka yewe teteno. No njuya uni kembé njundiro, ko tojenembo Kristoko^g kowe surumí korowoní qenenowó. Noya yeya sine parámi tunoqeweya quno njunoko owé parámi rewato. ²Asa no kondé njande osese yereyoteno, ko Anutu koro unipare njun sipsip kandeyemo yotengo qembe meté ta sopo yiri qembe. Njande ma ye ijowero, kho njun rotowero mepémo kini, asa ko njun murí njuro nanje tewanjo. Kini, tewero njuro ninju-ninju teyuri qembe. Ko kimo meté rewero quro ma ijowero. Kini, kho tewero njuro nanje meténojuri qembe. ³Ye uni kembé-kembé njunde yotengo, ko Anutuko unipare yore ye kandeyemo yorotaró njun ma yori umbuwero. Kini, ye murí meté njun nanje teyurikata unipareto murí njun qenero howewanjo. ⁴Kowe Sipsip Sopo-sopo Korete Qu tunomo tunoqeweya quno njuno, yendo khoyembo kimo meté horé mu suki-suki yote qu ka rewanjo.

⁵Njundiro nanje ye simó keta, uni kembé-kembéye kasirayemo yuri qembe. Ye unipare soso, ye yeno ijo-ijoye ri umbuní Anutu koro unipareyó meyowo njuro kasirayemo yuri qembe. Dokoro,

“Anutuko uni enejo owéye hokoyotengo njun yoriní umbuyote,

^e 4:16 “Kristen uni” njunde qundo *Kristo* ijondutuwo huru-huruko njuno huruwanjurí. (Asá yerewí Uni 11:26 weyo qembe.) ^f 4:17 “miti mande” njuko Anutuko *Kristo* asáñoni khumoro quhurínanimbo kimo tiní Anutu koya newonde kanata tewero njuro mande meté mu nanje. ^g 5:1 “*Kristo*” njuko Yesu nanje, asa Anutuko rokóñoni mahero wiri yerete uni parámi horé tunoqaró njun.

quko uni eneño owéye ri umbuyote ñu
samaka-samaka tuwó yunoyote.”

⁶Ñunde ñuro yeño iño-iñoje re umbuya Anutu koro kusí quroko yuri. Eneño naruyómo ñuno eneñoombo ye owéye hokoweya. ⁷Anutuko yeño iñojote. Ñunde ñuro quhurí soso korowoyoteño ñu re kandímo ri qembe.

⁸Yeñoombo yeño koweye sopoya kondé sopo toñeteyuri. Monimbu, sañgiriye muko laiyonko^h ki parámi teyote ñunde qembe. Naru rokóñooro unipare yonewero uyare maheyote. ⁹Quko ye iñondutuwooro kondé kañeya ene pitoyi. Dokoro ñande iñoeteño, Anutu koro unipare kumi, yeño topoye mira soso ñuno yoroeteño, ñundo ñuya quhurí ñunde nange korowoyoteño.

¹⁰Anutu ñuko samaka-samaka tuwó soso koro hurí. Enendo neko yirini Yesu Kristoko womoro Anutu koro sine parámiyómo suki-suki yorowaño. Ñunde ñuro ye kowe surumí naru tukuni ta nange korowowaño, ko imemoño Anutu eneñoombo roñgaru yerero, iñondutuye towoní kondérini, wimbu yunoro, yorini suki-suki yorowaño. ¹¹Asa eneko naru suki-suki wimbí moré yote. Ñu hamó.

Mande weña qu

¹²Nondo rukiso yerewero quro mande tukuni ta nakayáñooro Anutu koro samaka-samaka tuwóⁱ hamó ñuro yesowoyoteno. Ñuno kondé kañi. Asa sokome ña nakayáñoteno, ko Sailas, neneño topone horé, ñundo re yeno uyareweya.

¹³Anutuko unipare yeya rokó yirini Bapilon ñuno yoteño qundo naru meté ye yunoteño. Nañoone, Mak, ene ñuya naru meté ye yunote. ¹⁴Ye soso kanata-kanata newonde meté yunoro epe yuñguna-yuñguna ti qembe.

Ye soso Kristo quroyómo yoteño quko ime yuri.

^h 5:8 “laiyon” ñuko númbowe parámi ka, pusi qembe, quko wimbí moré, mití parámi.

ⁱ 5:12 “samaka-samaka tuwó” ñuko Anutu eneñoombo nore samaka yereyote. Kimoyó moré kini.